

آبونه شرائطی : هر بر ایچون
 سنه لکی (۴۰۰) آلتی ایلنی
 (۲۲۵) ممالک اجنیه ایچون
 سنه لکی (۴۵۰)، آلتی ایلنی
 (۲۵۰) غروشد.

نسخه سی ۷،۵ غروشد.
 سنه لکی ۵۲ عدددر .

اداره خانه : باب عالی جاده سنده
 رشید افندی خانه

اخطارات
 آبونه بدلی پشیندر .

مسلكه موافق آثار مع المنونیه
 قبول اولنور . درج ایدلهین
 یازیر اعاده اولتماز .

والله یهدی من یشاء الی صراط مستقیم

باش محرر
 محمد طاکف

صاحب و مدیر
 اشرف ادیب

اتبعون اهدکم سبیل الرشاد

الکشاف

آدره س تبدیلنده ایریجه
 غروش کوندرملیدر .

مکتوبلرک امضاری واضح
 و اوقوناقلی اولسی و آبونه
 صره نومروسی محتوی
 بولونسی لازمدر

ممالک اجنیه ایچون آبونه
 اولانلرک آدرس لرینک
 فرانسه یه یازلسی رجا اولنور .

پاره کوندرلدیکی زمان نهیه
 دائر اولدینی ییلدیرلسی
 رجا اولنور

کافه سی ایچون الله قارشی هر هانکی بر صنف ایله اوصنفک مبدعی ، یاخود هر هانکی بر قول ایله او قولک معبود و موجدی آره سنده کی نسبتدن باشقه بر نسبت تصویری ممکنیدر ؟

شمسه باق ، قره باق ، ییلدیزلره باق ، کیجه یه ، کوندوزه باق ، درت موسمه باق ؛ صوکره دکیزلره باق ، دکیزلرده کی حیواناته ، حشرات و ارضی اورتن نباتات ایله اشجاره باق . داها صوکره کندیکه باق ، دست قدرتک سنده ابداع ایتدیکي عوالمه باق . ایشته بومناظرک ، بومشه و داتک کافه سنده او یله نامتناهی آیات باهره یه مطلع اوله جقسک که هپسی ده مخلوقاتیلله ذات الهیسی آره سنده بر نسب ، یاخود بر قرابت موجود اوله بیامک شائبه سندن جناب حقک پک یوکسک بر مرتبه ده بولوندیغنی سکا ییلدیزه جک و جهله سنک کندی مشیت ازلیه سیله وجود بولش عبادی اولدیغنه ، بناء علیه منظومه خلقت ایچین وضع ایتش بولوندیغنی قانون سرمدیسه منقاد بولوندیغنه سنی اقتاع ایده جکدر .

انسانه خاص اولان غرابتلردندر که خلقتده جاری اولان بوقوانین کندیسی ایچون واضع و مدبری ادراکه رهبر اتخاذ ایده جک یرده حواسنک حیطه سینه کیره بیان شتون ظاهره ایله اکتفا ایله مکده در . بر حاله که « بوکائنات ناصل وجوده کیش ؛ اوکا بوظامی ، بو آهنگی ، بو اسلوبی و یرمن ، و بر آن غیر منقسم ایچون اولسون ، اراده سنی اوزرندن اکیسک ایتمین کیمدر ؟ » سؤالنه معروض قالسه « بنم بوکی مباحث ایله نه آلیش و بریشیم اولا بیلیر ؟ بزله ایچون ماده و اشکالیه اجزای ماده آره سنده کی مناسبات کی حواسمزک احاطه سینه کیره بیله جک مسائلدن ماعداسیله مشغول اولمق دوغرو دکدر . » جوابی و یرر . بوفرقة ضاله امتلرک هپسینده چوغالیدی . حق عینی خسته لغک مسلمانلر آره سنده کوندن کونه یاییلمقده اولدیغنی کوروپورز ، او مسلمانلرک که سماوی کتابلری کائناته نظر ایتمین ، اسرار خلقتی تأملده بولونه بی امرایدیور و انسانلری صانعک وجودینه و وحدانیتنه آنجاق تفکر و تحری طریقه ایمانه دعوت ایدیور . اوده ، قرآن حکیمک سوره لرندن همان هیچ بری یوقدر که نظر و تفکره سائق آیات کریمه دن برجوغنی احتوا ایتش اولماسین .

بونکله برابر علوی ، سفلی بوتون مخلوقات و وحدانیت و قدرتک صحائف انعکاسی اولان فاطر حکیم قرآنی قبوله ، پیغمبرلرینی تصدیقه یا ناشایانلری بیلله او صحیفه لرله نصیبه دار هدایت ایدیور . ایشته انکلیز فیلسوفی اسپنسر که هیچ بر دینه قائل دکدر ، کتابلرنده مدبر کائناته بعضاً (عقل اعظم) بعضاً (قوه ابدیه و ازلیه) دیدیکنی کوروپورز . داها نه قادار فیلسوفلر وار که فکرلری شکوک مظلمه چوللارنده شایر مش قالمشکن طالمش اولدقلری ضلال و غفلتدن او یانیورلرده هر دور لومثالک ، هر دور لو خیالک فوقده اولان عزیز حکیم و سمیع بصیرک حضور عظمتنده باشلرینی اوکیرینه اکیورلر .

شوقادار وار که مفسر لر (و اذا قضی امرأ فانما یقول له کن فیکون) قول کریمک تأویلنده اسراف کلامه دوشدیلر ؛ کرک (قضی امرأ) جهله سنک معناسنک بیانده ، کرک مجرد (کن) قول الهیسنک ناصیل اولوبده بر شینک تکیونه کافی اولدیغنه عادتلری و جهله سوزی اوزاتدیلر . کذلک (فیکون) نک امرابنده بر جوق و جهلر بولدیله ؛ بن بوراده اونلرک ذاهب اولدقلری مسالکی تحطه ایله مشغول اولاجق دکلر . بن یالکز (قول) ک حقیقتی بیان ایله اکتفا ایده جکم .

معلوم اولمالیدر که (کن فیکون) عبارده سی قرآن کریمک درت یرنده وارد اولمشدر . بر نحیسی تفسیر ایتمکده اولدیغمز شوآیت جلیله که سوره بقره ده در . ایکنجیسی (ان مثل عیسی عندالله کمثل آدم خلقه من تراب ثم قال له کن فیکون) آیت جلیله سنده که سوره آل عمرانده ؛ اوچنجیسی (و یوم یقول کن فیکون) آیت جلیله سنده که سوره انعامده ؛ دردنحیسی (اولیس الذی خلق السموات والارض بقادر علی ان یخلق مثلهم بلی و هو الخلاق العلیم انما امره اذا اراد شیئاً ان یقول له کن فیکون) آیت جلیله سنده که سوره یسن ده در .

شیمیدی شو درت آیت جلیله بی تأمل ایدن آدمک نظر امعانه هر برینک اسلوبنده کی سرتجلی ایدر . اوت ، بو آیتلرک سیاقیلله احتوا ایتدکلری عبارات کمال وضوح ایله کوسترمکده در که جهله سی ده جناب حق تدبیر و تصرفاتنده عبادی منزله سینه ایندیرن و اونکده مخلوقاتی کی قاریسی ، چولوغنی ، چوجوغنی اولدیغنه ذاهب اولان کیمسه لری رد ایچون نازل اولمشدر . ایشته فاطر ذوالجلال شو درت آیت جلیله سیله او جاهلله آکلاتمی ایسته یور که الله ایله عبادی آره سنده کی نسبت آنجاق خالق ایله مخلوق و آمر ایله مکلف آره سنده کی نسبتدن عبارتدر ؛ کوکرده ، یرده نه وارسه هپسی اونکدر و اونک امرینه مسخردر .

حدیث برهنگی

ماهیت اسلامیه نک بر جزؤ مقومی اولان وادله شرعیه دن اجماع امته و قیاس فقهایه بر استنادکاه تشکیل ایدن احادیث نبویه مهملک بر تلقی به معروض بولنیور و بوطر ز تلقی آتی اسلام نامه بزنی جدی اندیشه لره دوشوریور . احادیث صحیحه یا هیچ یوقش و یاخود پک آزمش ، مؤسس و مبلغ شریعت اقدمز نامه اورنه آتیلان حدیثلر یا ضعیفمش و یاخود کلیاً موضوع ایش ، حدیثک صحیحنی ضعیفندن تفریق ایده مین و یاخود منفعت دوشکونی اولان خواهلر بوعلی العاده سوزلری حدیث دییه مسلمانلره یوتدیریوریورمش ... طرزنده کی تلقیلر کوندن کونه تعمیم ایدیور ؛ اولجه ، اشراقیون کی ، توقف و سکونت حالنده قلبدن قلبه اساله ایدیلن بوسیال فکرلر ، شمیدی ، مشائیون کی ، مشی و حرکت حالنده

قولا قدن قولاغہ ایصال اولنیور؛ خصوصی محفللرده، تدریس کرسیلرنده، مطبوعات ستونلرنده سرمایہ بحث ومقال اولیور. حافظ شیرازینک: «نهان کی ماند آن رازی کز وسازند محفلها»

دیدیکی کی، محفللرده، مجلسلرده سرمایہ بحث ومقال اولان سوزلر کیزی، قیاقلی قاله ماز، ایر، کیج دیلرلرده دستان اولور؛ ناصل که بو فکرلرده، مکتومیتی محافظه ایدهمدی وایده میور. بوفکرلر مستولی بروست پیدا ایدنجه، حاصل اوله جق نتیجه لری کوز اوکنه کتیرنجه، آتی اسلام نامنه جدی اندیشه لره دوشمه مک غیر قابلدر. احادیث نبویه مک حائر بولندی ایتدی اعتمادلر زائل اوله جق، بناء علیه، احکام احاطت ایله عمل ایدلمه مه به باشلانیه جق، احادیثه مستند اجماع امت و قیاس فقها دلیل شرعیلری استناد کاهسز قاله جق، بناء علیه، اولره مستند احکام اسلامی ده قیمت عملیاسنی ضایع ایدمک، احادیث نبویه دن مستبیط اصول فقه دساتیر علمییه سی باشندن ایرلش بر جسد حکمنه کیره جک، اورته ده اساس اسلامی نامنه یالکز قرآن قاله جق، احادیث نبویه دن، اجماع امتدن، قیاس فقها دن منفعهم احکام موزمیک آثار عتیقه ماهیتی آلتجه، قرآندن احکام عصریه چیقارمق لزومنی حس ایدمک کز و بوا حکام عصریه مک عصری مجتهدلری بزاوله جقز؛ بزیسه، کر کزاده کر کز، عهده امانتمزه تودیع اوله جق قویونلر علیمنده حاضر لایه جغمز مهلک قاقبتلردن اولنری آرتیق الله قوروسون ۱

بویله نتیجه لر، عاقبتلر احضارینه صوک درجه مستعد بولنان بو تلقیات وافکارک، عمومیهلر شہرک تماماً قانغردن حالی آلمادن خارجه عکس ونکس ایتیش اولماسندن صوک درجه برمنونیت حس ایدیوروز. چونکه وقوع بولاجق ایقانات وارشاتک، بوکی تلقیات وافکارده تحول حصوله کتیره جکی ظننده بولنیوروز. بو عظیم مسئله مک ثقلت حلی اوموزلریه آلا جق درجه ده قوتلی برینیة علمییه صاحبی اولمادیغم ایچون، نگاه اشتیاقی چلیک فکری وچویک قلملی فضلالی عصرک افاضه بیورم جفی ضیای ایقانات وارشاده نصب ایتمک، برابر، علی العاده بر فرد مسلم صفتیه، موضوع بحث مسئله عائد ناجیز دوشونجه لری عرض وایضاح ایتمکدن کندیمی آله میورم:

حضرت محمدک وظیفه بعثتی یالکز تبلیغ احکامه منحصر دکل ایدی، اونکله برابر، تشریع احکام صفت وصلاحیتی ده حائر بولنیوردی. وبویله اولماسی ده معقول ومنطقی ایدی. چونکه اسلامیت ادیان سماویه مک صوک حد تکاملی وحضرت محمدده سلسله انبیانک خاتمه مسک آوری ایدی. دین اسلامدن صوکره یکی بردین وحضرت محمددن صوکره ده یکی بریفمبر کلیه جکی ایچون، دین اسلامی، یکی بردین وضعنه ویکی بریفمبر ارسالنه احتیاج حس ایتدیرمه جک بدرجه ده اتموا کمل اوله رق وضع وتأسيس ایتک مقتضای حکمت ومصلحت ایدی. بواتیت واکلیتی

تأمین ایچون، ساعات ایام تجدد ایتدیکه تجدد ایدمک اولان نامتناهی حادثات جرئییه عائدینه نامتناهی احکام جزئییه وضع وتأسيس ایتک لازم کلیوردی. قرآن بوا حکام جرئییه یکان یکان احتوا وایضاح ایدم من ایدی. چونکه بشریت اودرجه وسعتده کی برجهلہ احکامی - ماهیت سماویه سنه خلل کتیر مکسزین - محافظه ایتک امکاتی بوله ماز ایدی. آنک ایچون، قرآنک محتویات سماویه سی نامتناهی حادثات جزئییه دائما قابل تطبیق احکام عمومییه وقواعد کلیه به منحصر قالدی. قرآنک مجمللری تفصیل، مبهملری تفسیر، رمز و اشارت لری ایضاح، احکام عمومییه وقواعد کلیه سی ضمیمه مندج احکام جزئییه سی - حکمت ومصلحتک اقتضای درجه سنده - تعیین واطهار ایتک صورتیه ایتیت واکلیت اسلامی تحت تأمینه آلمق آنجق حضرت محمدک وظیفه نبوت ورسالتی ایدی. لسان قرآنله بیان بیورلما یان بعض احکام سماویه سی لسان نبوت ورسالتله تشریع بیورمق ده سنت الهیه مقتضاسندن ایدی. بو وظائف نبوت ورسالتی یرینه کتیرمک ایچون، حضرت محمدک، احتیاجک مقداریله متناسب حدیثلر ایراد بیورممه سی بغایت طبیعی و ضروری ایدی. وضعیت بو نقطه نظر دن ملاحظه وتدقیق ایدیلنجه نبی مرسل افندمن حضرتلرینک یک مهم مقدارده حدیثلر ایراد بیورمش اولماسنده کیمسه مک شہه سی قالماق لازم کلیر.

(وما یناطق عن الهوی ان هو الا وحی یوحی) برهان سماویسی ده حضرت محمدک، تشریع احکام نامنه ایراد احادیث بیورمش اولدیفنی کوسترمکده در. منطق محمدینک وحی الهی فیوضاتندن اولدیفنی تبیین بیورمق، رسول مشارالیه حضرتلرینک سوزلرینه قارشیه جماعت اسلامییه امنیت واعتماد تلقین ایتک حکمنه مستنددر. بوتلقینک بر حکمت بالغه اوله بیلیمه سی ایچون، کندیلرینه قارشیه امنیت واعتماد جلب ایدلمک ایسته نیلن سوزلرک، جماعت اسلامییه مک مقدرات عمومییه سیله علاقه دار بولماسی لازم کلیر. بیانات عمومییه ایله علاقه دار اولمایان بر جماعته، او بیاناته قارشیه امنیت واعتماد تلقین ایتک حکمت سز اولور. دیمک اولیورکه حضرت محمد جماعت اسلامییه مک مقدرات عمومییه سیله علاقه دار بر قسم احکام تشریع بیورمش؛ بوا حکامی امنیت واعتماد ایله قارشیللمه لری ایچون احکام مذکور مک اثر وحی اولدیفنی جماعت اسلامییه تلقین بیورمق طرف الہیدن موافق حکمت ومصلحت کورلمشدر.

مختند کیمسه مک شہه سی بولمایان (من کذب علی متعمدا فلیتبوا مقعده من النار) حدیث شریفی ده حضرت محمدک تشریع احکام بیوردیفنه بر دلیل قاطعدر. حضرت امین الله افندمن بو حدیث شریفی ایله، سوبله مدیکی سوزلری کندیسنه عطف واسناد ایدمک جرأتکارلری شدله تحذیر وتخویف بیورمشدر. ا کر کندیمی ایراد احادیث ایله علاقه دار اولماسه ایدی، بوتخویر وتخوینی ایراد بیورمق لزومنی حس

ایتمز ایدی . چونکه اوتقدیرده ساکت وضعیتده بولنه حق ایدی . ساکت سوز اسناد اولنه ماز . وساکت اولدینی بیلین کیمسه اسناد اولنه حق سوزله اینانه حق کیمسه بولماز . حال بوکه حضرت محمد شریع احکام ضمیمه ایراد احادیث بیوریوردی . بو کیفیت هر کسجه معلوم ایدی . بو وضعیتدن بالاستفاده کندیسنه بعض سوزلر اسناد ایدلسنه احتمال ویریور ایدی . بوجراشته امکان و میدان بیراقماق ایچون ، بویه شدتلی بر تحذیر و تحویفده بولمق لزومی حس ایتدی . دیمک اولیورکه حضرت محمدک شریع احکام نامه ایراد احادیث بیورمش اولدینی عقلی و نقلی متعدد دلایلر ایله ثابتدر . ایراد احادیث کیفیتی بو وجهله و بو طریقلر ایله تحقق و تبیین ایدنجه ایراد بیوریلان حدیثلرک مقداری حقنده تخمینی بر فکر ایدنمک جهتی قالیر . بوفکریده ، حضرت محمدک وضعیت تشریعیه سی نامتاهی درجهده حدیثلر ایراد بیورمه سی نبی اکملک وضعیت تشریعیه سی نامتاهی درجهده حدیثلر ایراد بیورمه سی مستلزم ایدی . چونکه حدیث ایرادینی مستلزم اولان مفردات حادثات نامتاهی ایدی . فقط قرآنک ، نامتاهی حادثات جزئییه ایله متوازن احکام جزئییه احتوا ایتمه سنده کی محذور حدیثلرده موجود ایدی . حضرت محمد هیچ ایراد حدیث بیورمه مش اولسه ، شرع اسلامک اتمیت واکمیتی تأمین ایدله یه جک ، مفردات احادیث ایله متوازن مقداره ایراد احادیث بیوردینی تقدیرده ده نقل و روایتلری ، ضبط وربطلری امکان خارجه چیقماق ایدی . آنک ایچون ، قرآندن سوکره ایکنجی درجهده قواعد کلیه واحکام عمومیه وضع و تأسیسی ایله اکتفا ایدمک بوقواعد کلیه واحکام عمومیه دن حادثات جزئییه ایله متوازن احکام جزئییه استنباطی و طیفه سی علمای امتیه بر اقدی . نامتاهی احکام جزئییه منبع استنباط اوله حق قواعد کلیه واحکام عمومیه نک عظیم مقدارله بالغ اوله جغنی اکلامق درین حساب ذهنیره متوقف دکدر ، صانیرم .

وضعیت تشریعیه سنک سوق و ابرامیله ، حضرت محمد طرفندن ایراد بیورمش اولان حدیثلر برر بر جمع و ضبط ایدیلرک موشکافانه تدقیقات و تحریات ایله وجوده کتیریلان آثار مخلصه نک محائف حفظ و حمایه سنه تودیع اولمش بولنیور . بو آثار مخلصه دن هیچ اولماز سه کتب سه معتبره نک احتوا ایتمکده اولدینی حدیثلرک محتملری شمیدی یه قادر امنیت واعتماد ایله قارشیلانیوردی . بو کون ، بر قسم جن فکری عصری علمامزک امن واعتمادلرینی کتب سه نک احتوا ایتدیکی حدیثلردن ده منسلب کوریورز . بر حدیث ، حائز امن واعتماد اوله یلمک ایچون ، مطلقاً متواتر اولمالی ایمش ، متواتر حدیث ده یا هیچ یوق ایمش و یا خود پک آاز ایمش ، حدیث نامه اورته یه آتیلان سوزلر یا ضعیف و یا خود موضوع ایمش . موجود و مضبوط حدیثلری حضرت محمدک ایراد بیورمش

اولدینی حدیثلر اولمق اوزره قبول و تلقی ایتمین ذاتلرک بو خصوصده کی فکر وقناعتلری عجیانه دن عبارتدر ؟ . حضرت محمد ، هیچ ایراد احادیث بیورماشدر دیمک می ایسته یورلر ؟ یوقسه ، ایراد بیورمش اولدینی حدیثلرک جمع و ضبط ایدلمه دیکنه می قانع بولنیورلر ؟ .

اگر هیچ ایراد احادیث ایتمه مش اولدیفنه ذاهب ایسه لر ، رسول اکملک صفت تشریعیه سیفه قبول ایتنیورلر دیمکدر . بوتقدیرده مناقشه یه اعتقادی بر شکل و جریان ویرمک لازمکیر . فکر وقناعتلری بویه دکلدده ، احادیث نبویه نک جمع و ضبط ایدلمه دیکی شکلنده منجلی ایسه ، بوفکر وقناعتلرینک نه کی اسباب علمیه دن متولد اولدیفنی صورمق مناقشه نک بزه بخش ایتدیکی بر حقدر . قوتلی اوله رق تخمین ایدیورم که ، بوفکر وقناعتلرینک ، موجود و مضبوط حدیثلرک شرائط صحیحی حائز بولنماد قلرندن متولد اولدینی جوانی ویرمک کلددر . بز ، شرائط صحت نه در ؟ سؤالی یکیدن ایراد ایدنجه ، نقل و روایتلرینک حد تواتره واصل اولماسیدر مقابله سنده بولنه جقلرینی ده ینه قوتله تخمین ایدیورم . مناقشه نک بتون ثقلی ده ، صحت احادیثه تواترک شرط اولوب اولمادیفنی آکلامق نقطه سنده متمرکزدر .

صحت احادیثه تواتر شرط دکدر . بر حدیثک صحتی آکلامق ایچون ، متعدد معیارلر وارددر : راولرک احوال عمومیه سی حقنده ایدیلرک معلومات ، نقل و روایت احادیثه بر مقصد مخصوص تعقیب ایدوب ایتمه دکارینی تدقیقندن حصوله کله جک قناعتلر ، احادیثک لسان افاده سیله حضرت محمدک لسان بیانی مقایسه ایتمکدن متولد نتیجه لر ، مضامین احادیث ایله رسول اکملک قدرت و غایه تشریعیه سی قارشیلانیدر مقصدن استحصال اولنه حق علم یقینلر ، حدیثلرک محیحلرینی غیر صحیحلرندن تفریقه کافی کله جک علمی معیارلردر . راولرک قوه عقلیه و علمیه سی حدیثک عیناً ضبطنه ، قوه حافظه سی ده ضبط ایتدیکی وجهله نقل و روایت ایله سنه مساعدی در ، دکلی در ؟ مشرع و متورع بر ذات می در ، یوقسه مبالا تیز ، سوء حال صاحبی ، فسق و فجور ایله آلوده دامن بر کیمسه می در ؟ نقل و روایت ایتدیکی حدیثه شخصی و دنیوی بر امل و احتیاط شائبه سی وارمی در ، یوقمی در ؟ عقل و حافظه سنده ضبط و نقل حدیثه مانع ضعف و خلل بولنمادینی ، مبالا تیز و سوء حال صاحبی اولمادینی ، نقل و روایت حدیثه شخصی و دنیوی بر امل و احتیاط آرقا سنده قوشمادینی تدقیقات نتیجه سنده تحقق ایدن بر راولرینک حدیثلرندن امنیت واعتماد مزایا سیر که مک ایچون عقل و نقله موافق هیچ بر سبب وسنده مالک دکلز . احادیث نبویه نک جمع و ضبطنده کی مادی و معنوی اهمیت و عظمتی لائق وجهله تقدیر ایدن حدیث جامعلری بو وظیفه علویه یی ایفا ایدرکن ، راولر حقنده پک حساسانه ، پک متبصرانه ، پک متیظانه ، پک وسوسه لی ، پک خرده پنهانه

سوزلری، دیکری ده اسلامیت کسوه سنه بورون اسرائیلیت روحلی منافق لک اورو حله تر جان اولان سوزلیدر. بوسوزلر ده ابدیت اسلامده، احادیث نبویه میانندن طی و طرد ایدلشلردر. بونلردن بشقه احادیث موضوعه یوقدر. احادیث موضوعه ظن ایدیلن سائر سوزلر صلیحای اتمک و صایاسیدر. معنا و مضمونلری تدقیق ایدرک زهد و اتقان بشقه بر امل و احتیاط شایسته کوره میوز. زاهد و متقی ذواتک، حضرت محمدک شایع اولان شدتلی تحذیر و تحویفی قارشوسنده اونک نامه حدیث وضع ایدر جکلیینه احتمال و بره میوز. بو و صایانک احادیث موضوعه عنواتی آلماسی احادیث نبویه نک بلاغت لسانیه سنه، مضامین پیغمبرانه سنه آشنا اولمایانلرجه حدیث ظن ایدلرلرندن و او یولده شایع اولالردن ایلری کلسدر. صحت احادیثه غائد قوشقولر حسن نیته مستند ایسه، بو ایضا حاکمه قوشقولری زائل اولور. ظننیم، بالعکس، امل و غایه بشقه ایسه، نه سویله نیلسه هدر و فائده سزدر.

بسی عذیف

اسلامک بین الادیانیه موقعی

۲

بعثت محمدیه زمانده هندستانک دینی اجتماعی اهرامی

(آری - هندو) فکرینک تألیه طبیعت وادیسنده کی بوتون مد و جذری آرمسنده اولورک ارواحنه عبادت نظام دینی و اجتماعیسنک بر جزء لاینفکی اولارق هندولرک دماغنه صاپالانوب قالمشدر. (سودرا) یعنی ملل مغلوبه منسوب اولانلر اسلاقلک ارواحنه قربانلر تقدیم ایدر، فقط بر (براهمن) بو مراسمه اشتراک ایدر جک اولسه اک آغیر جزالره دوچار اولوردی. (سودرا) دن بری (ویدا) لری انشاد ایدرکن بر بر اهرامی دیکله یه جک اولورسه قولاقلیینه ایدیلش قورشون آقیتلمق جزاسنه معروض قالیردی. بر (سودرا) بر (براهمن) ایله عینی پیکه اوطوراجق اولورسه داغلامق جزاسنه چارپیلیردی. (سودرا) ایله (براهمن) آرمسنده مشروع و یاغیر مشروع بر تمس اک فجیع عقوبتلرک تطبیقنه بادی اولوردی. هیچ بر تشریع، بونلرک افکار دینیله لری عقالد ابتدائیه نک تأثیرندن قورتارامیوردی. مرور زمان ایله اسکی آری قبائلک آلهری هندولرک معبدینه کیرمش و بونلره عبادت ایدلکه باشلانلشدی. مساوی انکشافه مظهر اولمایان عقائد مختلفه ایله تمایلات متنوعه نک اختلاطی، فیلسوفلرک عصرلردن بری تأسیس اتمک ایسته دکلری تألیه طبیعت عقیده سنک انحطاطه دوچار اولماسنه سببیت ویرمشدر.

هندستانی بیکارجه سنه دن بری کفنله ین پرده اسرار، مسلمانلرک ایله یرتیلسمادن مقدم هندک بر تاریخی یوقدی. (واسو ده و -

اوله رق حرکت ایتشلر، اک کوچوک برسوء حال ایله شایسته دار کوردکلری راویلرک حدیثلری قبولدن مستکف بولمشلردر. «تاریخ اسلامیت» محرری دو قور دوزی کبی مدهش بر اسلامیت دشمنی بیله حدیث جامعلرینک و بالخاصه اسماعیل البخاری حضرتلرینک جمع و ضبط احادیث خصوصنده کوستر دکلری زاهدانه، خاشعانه، خاضعانه تقیداتی آلتیشلامقدن کندی آله مامشدر. راویلری زاهد، جامعلری زاهد حدیثلرک محبتلری قبول ایتمه مک راویلر و جامعلر علیملرنده بر دلایله غیر مستند مسئولیتی بر سوء ظن اولور. تدقیقاتک بو نتیجه سی بزه کوستریورک احادیث نبویه نک نقل و روایتده، جمع و ضبطنده کیفیت اعتباریله ضعف یوقدر. بر قسم احادیث نبویه راویلرینک عدد و کمیت اعتباریله حدوتاتره و اصل اولمامه سی حدیثلرک محبتلرینه مانع برضعفیت تلقی اتمک طوغری دکلد. چونکه کیفیت کیتدن ده ها زیاده حائر قوت و اعتماددر.

«اذا قالت حذام فصدقوها - فان القول ما قالت حذام»

نظم معنادار ایله افاده ایدلکی وجهله امت اسلامیه میاننده اوله «حذام» لر واردرک اونلرک نقل و روایتلری بر جاعتک نقل و روایتندن ده امنتبخش اولور. راویلرک آزلنی اکر ضعفیت تلقی ایدیلرسه، اخبار آحاده اک ضعیف حدیثلر نظریله باقماض لازم کلیر. حال بوکه اخبار آحاد اوزرینه جریان ایتکده بولنان پک مهم و پک واسع معاملات بشریه واردر. حیات و معاملات عمومی مزده امنیت و اعتماد ایله قارشیلادیغمز اخبار آحادی احکام و معاملات دینی مزده ضعفیت ایله تعلیل ایتمه من بر معلولیت فکریه در. فقه و اصول فقه علماسنک خبر و احادی قیاس عقلیه ترجیح و تقدیم ایتکده بولماسی خبر و احادی نقل و روایتی کیفیتنده کی قوت و اعتمادک معیار و میزانیدر.

صحت احادیثک پک قوتلی بر معیار و برهانی ده احادیثک لسان افاده سی تدقیق ایتکدر. لسان عربده کی فصاحت و بلاغت درجاتنک برنجیسی قرآنک لسان بیانی، ایکنجیسی ده احادیثک لسان افاده سی احراز ایتکده در. لسان قرآن لسان احادیثک نه درجه فوقنده ایسه، لسان احادیث ده سائر لسان عربک اودرجه فوقنده در. لسان احادیثه آشنا اولانلر حضرت محمد اسناد ایدیلن سوزلرک حدیث اولوب اولما دقلرینی قولایجه اکلا یه ییلرلر. بوندن ده قوتلی بر معیار و برهانی ده احادیثک معنا و مضمونلری تدقیق ایتکدر. بو معنا و مضمونلرک درجه رفعت و بیستیلرینی، استهداف ایدکلری تشریحی مقصد و غایه لری نظر تدقیقندن کچیرمک پیغمبرانه سوزلر اولوب اولما دقلرینی در حال میدانه جقاریر. احادیث موضوعه یی تفریق ایدر جک معیارلرده ایشته بو کیفیت و بونقله لردر. اساساً بر احادیث موضوعه اولق اوزره یالکیز ایکی قسم سوزلری قبول ایدیورز: بری غلات شیعه نک خلافت علی حقنمه کی سیاسی